



09/3-23-16-1005-1/17
Sarajevo, 01.03.2017.

**MINISTARSTVO FINANSIJA I TREZORA
BOSNE I HERCEGOVINE**

**Predmet: Godišnji izvještaj o izvršenju Budžeta Ministarstva inostranih
poslova BiH za period 01.01.2016. - 31.12.2016. godine
Veza: vaš akt broj: 05-16-2-15-1/17 od 04.01.2017.**

U prilogu akta dostavljamo popunjene obrasce o izvršenju budžeta Ministarstva inostranih poslova Bosne i Hercegovine za period januar – decembar 2016. godine, u skladu sa Zakonom o finansiranju institucija Bosne i Hercegovine ("Službeni glasnik BiH" br. 61/04, 49/09, 42/12, 87/12 i 32/13) i Pravilnikom o finansijskom izvještavanju institucija Bosne i Hercegovine ("Službeni glasnik BiH" broj 25/15).

Zakonom o Budžetu institucija BiH i međunarodnih obaveza BiH za 2016. godinu ("Službeni glasnik BiH" broj 101/15) za potrebe funkcionisanja Ministarstva inostranih poslova BiH u 2016. godini odobren je budžet u iznosu od KM 55.670.000,00.

U planu budžeta predviđen je iznos godišnjih donacija (Ujedinjeni Arapski Emirati, Kuvajt, Turska) u ukupnom iznosu od KM 575.000, međutim tokom 2016. godine donacije su uplaćene u ukupnom iznosu od KM 661.479,65 što je za KM 86.479,65 više od plana. Tokom 2016. godine Ambasadi BiH u Ankari su donirana novčana sredstva za nabavku vozila u iznosu od KM 136.908,00.

Takođe, prema zahtjevu MIP BiH u Budžet 2016. godine prenesena su sredstva iz 2015. godine u ukupnom iznosu od KM 4.988.281,76 u vidu nerealizovanih višegodišnjih kapitalnih ulaganja odobrenih u prethodnim godinama i sredstva u iznosu od KM 90.506,28 koja se odnose na neutrošena sredstava namjenske donacije.

Na zahtjev Ministarstva inostranih poslova BiH odobrena su sredstva tekuće rezerve Budžeta institucija Bosne i Hercegovine i međunarodnih obaveza Bosne i Hercegovine za 2016. godinu u svrhu finansiranja Samita Centralnoevropske inicijative u iznosu od KM 42.000,00.

Prema naprijed navedenom ukupna raspoloživa sredstva Ministarstva inostranih poslova BiH za 2016. godinu iznose KM 61.016.520,00.

Ukupno izvršenje budžeta MIP BiH za period januar – decembar 2016. godine iznosi KM 55.858.181 ili 91,50% ukupno raspoloživih sredstava za 2016. godinu. Ukupno izvršenje rashoda i izdataka opšte namjene (bez programa posebne namjene) iznosi KM 51.943.277 ili 94,5% odobrenog budžeta za 2016. godinu.

1. Obrazloženje strukture rashoda za period od januar – decembar 2016. godine:

Bruto plate i naknade u periodu januar - decembar 2016. godini ukupno iznose KM 24.133.550,36 što je 94,8% odobrenih sredstava za ove izdatke. Ovi izdaci su veći za 0,9% u odnosu na isti period prošle godine. Povećanje izdataka je u direktnoj vezi sa popunjavanjem upražnjenih mjesta u diplomatsko - konzularnoj mreži BiH a i povećanjem broja zaposlenih u MIP BiH.

Naknade troškova zaposlenih u izvještajnom periodu iznose KM 11.615.421,32 ili 96,6% odobrenih sredstava. Ovi izdaci su veći za 3,6% u odnosu na isti period prošle godine, što je posljedica gore navedenih razloga.

Putni troškovi za period januar - decembar 2016. godine ostvareni su u iznosu od KM 1.570.120,55 ili 95,2% ukupno odobrenih sredstava za 2016. godinu. Ovi izdaci su veći za 6,1% u odnosu na isti period prošle godine. Veća potrošnja je u direktnoj vezi sa intenzivnom diplomatskom aktivnosti MIP BiH s ciljem dobivanja podrške zemalja članica EU u razmatranju aplikacije BiH za članstvo u EU. Takođe, Bosna i Hercegovina je tokom 2016. godine predsjedavala Centralnoevropskom inicijativom što je uticalo na povećane rashode MIP BiH, posebno putnih troškova.

Izdaci telefonskih i PTT usluga za period januar - decembar 2016. godine ostvareni su u iznosu od KM 1.000.143,21 ili 80% odobrenih sredstava. Ovi izdaci su manji za 2,5% u odnosu na isti period prošle godine. U skladu sa važećim Pravilnikom o službenim telefonima SM BiH i Odlukom o korištenju fiksnih i mobilnih telefona u MIP BiH vodilo se računa o realizaciji ove vrste rashoda.

Izdaci za energiju i komunalne usluge ostvareni su u iznosu od KM 1.455.271,74, što predstavlja 84,1% odobrenih sredstava za ove namjene u 2016. godini. Ovi izdaci su manji za 5,9% u odnosu na isti period prošle godine. Na izvršenje ove vrste rashoda u najvećoj mjeri utiče kretanje cijena energenata na inostranim tržištima, jer se najveći dio ovih izdataka ostvaruje u inostranstvu.

Nabavka materijala i sitnog materijala u izvještajnom periodu iznosi KM 382.052,51 ili 86,8% odobrenih troškova za ove namjene za 2016. godinu. Ovi izdaci su manji za 26,9% u odnosu na isti period prošle godine. Manje izvršenje posljedica je ušteda koje su ostvarene na ekonomskoj poziciji kancelarijskog materijala i nabavke guma.

Izdaci za usluge prevoza i goriva za period januar - decembar 2016. godine ostvareni su u iznosu od 595.135,82 ili 87,5% odobrenih sredstava. Ovi izdaci su manji za 9,4% u odnosu na isti period prošle godine. Uštede su ostvarene na troškovima goriva, što odgovara kretanju cijena goriva u protekloj godini. U okviru ove grupe izdataka u izvještajnom periodu došlo je do značajnog povećanja procenta izvršenja na ekonomskoj poziciji usluge premještanja i selidbi što je posljedica popunjavanja DKP mreže.

Unajmljivanje imovine i opreme za period januar - decembar 2016. godine iznose KM 5.659.377,71 ili 99,2% odobrenih sredstava. Indeks izvršenja je veći za 4,3% u odnosu na isti period prošle godine. Ovi izdaci se ostvaruju u skladu sa zaključenim

ugovorima za zakup objekata i parking prostora, te unajmljivanje opreme u DKP mreži. Iskazani troškovi zakupa u KM zavise i od kretanja kursa valuta na svjetskom tržištu. Takođe, uvećani rashodi na ovoj poziciji u 2016. godini u odnosu na predhodnu, direktno su vezani sa predsjedavanjem BiH CEI, jer je zbog potreba održavanja konferencija MIP BiH bio prinuđen da iznajmljuje prostor.

Izdaci za tekuće održavanje ostvareni su u iznosu od KM 626.778,42 što je 97,9% odobrenih sredstava. Ovi izdaci su manji za 4,4% u odnosu na isti period prošle godine. Najveći dio ovih izdataka odnosi se na materijal i usluge održavanje vozila koji čine najveći dio ovih troškova.

Izdaci za osiguranje i troškovi platnog prometa su ostvareni u iznosu od KM 464.309,92 ili 86% odobrenih sredstava za ove namjene u 2016. godini. Smanjenje ovih izdataka dijelom je uzrokovano smanjenjem troškova osiguranja zbog prodaje službenih vozila. Izdaci za osiguranje i troškovi platnog prometa su regulisani propisima banaka i osiguravajućih kuća u zemlji prijema.

Ugovorene i druge posebne usluge ostvarene su u iznosu od KM 4.140.349,59, što iznosi 98,1% odobrenih sredstava za 2016. godinu. Ovi izdaci su manji za 2,8% u odnosu na isti period prošle godine. Zbog složene organizacione strukture MIP BiH (Sjedište MIP BiH u Sarajevu i 56 DKP BiH u svijetu) i neophodnog kretanja zaposlenih na relaciji Sjedište - DKP, MIP je prinuđen da angažuje lica po ugovoru o djelu i po ugovoru za obavljanje povremenih i privremenih poslova. Važećim Pravilnikom o unutrašnjoj organizaciji MIP BiH predviđeno je 112 mjesta u DKP BiH na poslovima tehničkog sekretara i vozača, koje mogu obavljati zaposleni iz MIP BiH ili lokalno osoblje angažovano po ugovoru o djelu. Kada je u pitanju Sjedište MIP BiH, značajno i u kontinuitetu je smanjivan broj angažovanih po ugovoru o djelu ali zbog fluktuacije kadrova, kao i značajnog broja državnih službenika koji obnašaju javne funkcije, postoji potreba za privremenim angažmanima kako bi se obezbjedio kontinuitet u radu MIP BiH.

2. Obrazloženje izvršenja prihoda i primitaka Budžeta institucija BiH:

Ministarstvo inostranih poslova Bosne i Hercegovine kroz diplomatsko-konzularna predstavništva u svijetu pruža konzularne usluge fizičkim i pravnim licima iz BiH koji žive u inostranstvu, kao i drugim lica koja imaju potrebu za tim vrstama usluga. U skladu sa Zakonom o administrativnim taksama (Službeni glasnik BiH 16/02, 19/02, 43/04, 8/06, 76/06 i 3/10), Pravilnikom o cijeni putnih isprava i važećim instrukcijama Ministarstva finansija i trezora BiH, Ministarstvo inostranih poslova BiH vrši naplatu i evidentiranje administrativnih taksi i naknada izvršenih putem diplomatsko-konzularnih predstavništava BiH. Pored toga, MIP BiH vrši naplatu administrativne takse i u Sjedištu MIP BiH za pojedine usluge (nadovjere i sl.).

Ukupan prihod MIP BiH od administrativne takse u 2016. godini iznosi KM 12.944.414,00 KM što je za KM 2.124.864 više u odnosu na prethodnu godinu.

Tokom 2016. godine MIP BiH je, u skladu sa Pravilnikom o uslovima nabavke i načinu korištenja službenih vozila u institucijama BiH (Službeni glasnik BiH 26/14), izvršio zamjenu službenih vozila i po tom osnovu ostvario primitke od prodaje službenih vozila u iznosu od 48.057,49 KM.

3. Obrazloženje dinamike realizovanja programa posebne namjene:

Namjenska sredstva od novčanih donacija za period januar – decembar 2016. godine su realizovana:

- PPN 0601450 – Donacija za opremanje Ambasade BiH u Abu Dabiju u iznosu KM 722,00 je realizovana u iznosu od KM 716,49 ili 99,2% od ukupno raspoloživih sredstava.
- PPN 0601480 – Sredstva redovne donacije Vlade Kuvajta za finansiranje rada Ambasade BiH u Kuvajtu realizovana je u iznosu KM 366.960,72 ili 99,1% od ukupno raspoloživih sredstava.
- PPN 0601490 – Sredstva redovne donacije Vlade Ujedinjenih Arapskih Emirata za finansiranje redovnog rada Ambasade BiH u Abu Dabiju realizovana je u iznosu KM 198.063,87 ili 90,7% od ukupno raspoloživih sredstava.
- PPN 0601500 – Sredstva redovne donacije Agencije TIKa za finansiranje rada Ambasade BiH u Ankari realizovana je u iznosu od KM 116.642,46 ili 70,6% od ukupno raspoloživih sredstava.
- PPN 0601610 – Novčana donacija od strane počasnog konzula BiH u Turskoj u svrhu kupovine vozila za potrebe Ambasade BiH u Ankari, realizovana je u iznosu KM 135.343,44 ili 98,9%.

Pregled realizacije višegodišnjih kapitalnih investicija u periodu januar – decembar 2016. godinu u ukupnom iznosu od KM 4.988.281,76:

- PPN 0601470 - Izgradnja multifunkcionalnog atrija u unutrašnjem dvorištu MIP BiH, za koji su rezervisana sredstva u iznosu KM 681.779,05, tokom 2016. godine je realizovan u ukupnom iznosu KM 44.691,30 odnosno 6,6% i to:
 - Na ekonomskom kodu 821614 u iznosu KM 7.270, što se odnosilo na izmjenu projekta i
 - Na ekonomskom kodu 821619 u iznosu KM 37.421, što se odnosilo na isplatu po ugovoru nakon prijema konačne situacije na sistemu grijanja.

Sredstva u 2016. godini nisu u potpunosti realizovana jer je tokom godine došlo do izmjene projekta zatim i građevinske dozvole za gradnju. Tender za izvođenje radova za izgradnju atrija je raspisan je krajem 2016. godine i dalja realizacija projekta je u toku.

- U skladu sa Odlukom Savjeta ministara Bosne i Hercegovine br. 103/16 od 08.01.2016. godine ("Službeni glasnik BiH" br.48/16 od 28.06.2016. godine), sredstva u iznosu od KM 4.306.502,71 su evidentirana za sljedeću namjenu:
 - PPN 0601520 - Kupovina objekta u Beogradu u iznosu od KM 1.600.000,00. Projekat je tokom 2016. godine realizovan u iznosu KM 1.549.642,98 ili 96,9% od ukupno raspoloživih sredstava. Nakon adaptacije prostora, u skladu sa

potrebama DKP BiH, pristupiće se prikupljanju ponuda za nabavku neophodnog namještaja, čime će se ovaj projekat u potpunosti realizovati.

- PPN 0601530 - Kupovina objekta u Zagrebu u iznosu od KM 1.696.059,17. Projekat je realizovan u izvještajnom periodu u iznosu KM 1.380.792,93 ili 81,4% od ukupno raspoloživih sredstava. Tokom 2017. godine je potrebno izvršiti adaptaciju prostora, u skladu sa potrebama DKP i izvršiti opremanje zgrade namještajem, čime će se steći uslovi za preseljenje u objekat i konačnu realizaciju ovog projekta.
- PPN 0601540 - Opremanje objekata u Beogradu, Zagrebu i Oslu u ukupnom iznosu od KM 300.000,00. Realizacija ovog programa je uslovljena realizacijom Programa PP 0601520 i PP 0601530. S obzirom da je u planu da DKP BiH u Beogradu i Zagrebu presele u kupljene objekte, prije toga neophodno je njihovo kompletno opremanje, tako da se očekuje da će ovaj projekat biti realizovan tokom 2017. godine. Nakon opremanja zgrada u Beogradu i Zagrebu, pristupiće se opremanju objekta koji je Bosna i Hercegovina dobila u procesu sukcesije imovine bivše SFRJ, a u kome je smještena Ambasada BiH u Oslu.
- PPN 0601550 - Opremanje objekta u Londonu u iznosu od KM 170.000,00. Sredstva nisu realizovana u izvještajnom periodu, te se očekuje da će biti tokom 2017. godine.
- PPN 0601560 - Adaptaciju objekta u Londonu u iznosu od KM 130.000,00. Projekat je realizovan u iznosu KM 10.678,25 ili 8,2% od ukupno raspoloživih sredstava, za izradu projektne dokumentacije neophodne za dalje izvođenje radova, te je krajem 2016. godine potpisan ugovor za isporuku i ugradnju lifta u objektu. Početkom 2017. godine nastavlja se započeta realizacija stavljanja lifta u funkciju.
- PPN 0601570 - Adaptaciju objekta u Otavi u iznosu od KM 100.000,00. U izvještajnom periodu realizovana su sredstva u iznosu od KM 71.439,83 ili 71,4% od ukupno raspoloživih sredstava za sanaciju elektroinstalacija u objektu. U 2017. godini će se nastaviti radovi na uređenju fasade i uređenju podšova krova i oluka koji su dotrajali. Završetkom ovih radova objekat bi trebao biti u potpunosti funkcionalan za potrebe DKP BiH.
- PPN 0601580 - Adaptaciju objekta u Amanu u iznosu od KM 20.443,54. Sredstva planirana za adaptaciju su bila nedovoljna za realizaciju jer je potrebna šira rekonstrukcija objekta u Amanu, te su u tom kontestu zatražena dodatna sredstva. U skladu sa tim, u Budžetu za 2017. godinu su odobrena dodatna sredstva za ovu namjenu u iznosu 30.000 KM, te se očekuje realizacija projekta tokom 2017. godine.
- PPN 0601590 - Adaptaciju objekta u Štutgartu u iznosu od KM 160.000,00. Tokom 2016. godine izvršena je procjena neophodnih radova na objektu i uređenju vanjskog dvorišta. Početkom 2017. godine zaključen je Ugovor za izvođenje radova na koji je Pravobranilaštvo BiH dalo pozitivan odgovor te se očekuje realizacija projekta u prvoj polovini 2017. godine.

- PPN 0601600 - Sanaciju sistema grijanja u Briselu u iznosu od KM 130.000,00. Tokom 2016. godine izvršena je procjena neophodnih radova i pokrenuta procedura izbora najpovoljnijeg izvođača. Očekuje se mišljenje Pravobranilaštva BiH na Nacrt ugovora na sanaciji sistema grijanja i hlađenja u objektu u Briselu nakon čega će se pristupiti realizaciji projekta u 2017. godini.
- PPN 0601510 - Preseljenje država partnera NATO u zgradu "Z" u Briselu u iznosu od KM 121.000. Odlukom Savjeta ministara BiH broj 127/15 od 25. avgusta 2015. godine odobren je višegodišnji projekat Preseljenje misija država partnera NATO u zgradu "Z" u Briselu u vrijednosti od 1.106.000 KM, u dvije faze. Dinamika realizacije projekta zavisi od aktivnosti Projektnog biroa NATO. U decembru 2016. godine Misija BiH pri NATO u Briselu je obavještena da je potrebno izvršiti uplatu prve faze za učešće u radovima u iznosu 61.448 Evra što iznosi 120.182 KM, što je Misija i uradila u januaru 2017. godine. U budžetu za 2017. godinu za ovu namjenu je odobreno 985.000 KM.

4. Obrazloženje najvažnijih uzroka odstupanja izvršenja u tekućem od izvršenja u istom periodu prethodne godine:

Izvršenje budžeta opšte namjene za 2016. godinu je veće u iznosu KM 476.970 u odnosu na 2015. godinu. Povećanje se odnosi na plate i naknade jer je tokom 2016. godine povećan broj zaposlenih na radu u DKP a i zaposleni su novi radnici u MIP BiH. Takođe, BiH je tokom 2016. godine napravila snažan iskorak na putu ka članstvu u Evropskoj uniji i predsjedavala je Centralnoevropskom inicijativom, te su zbog toga povećani putni troškovi i troškovi najma u odnosu na prethodnu godinu. Tokom 2016. godine realizovano je kapitalnih i višegodišnjih kapitalnih investicija u iznosu od KM 3.301.785 u odnosu na prethodnu, gdje je potrebno posebno naglasiti uspješnu realizaciju projekata kupovine objekata za potrebe Ambasade BiH u Zagrebu i Ambasade BiH u Beogradu.

5. Obrazloženje realizacije odobrenih sredstava iz tekuće rezerve Budžeta institucija BiH u 2016. godini:

Na prijedlog Ministarstva inostranih poslova Bosne i Hercegovine, Savjet ministara Bosne i Hercegovine je na sjednici održanoj 19.12.2016. godine, donio Odluku o odobravanju sredstava tekuće rezerve Budžeta institucija Bosne i Hercegovine i međunarodnih obaveza Bosne i Hercegovine za 2016. godinu u svrhu finansiranja Samita Centralnoevropske inicijative u iznosu od KM 42.000,00, prema sljedećem rasporedu: dodatna sredstva za reprezentaciju - 613914 u iznosu 25.000,00 KM i pružanje ugostiteljskih usluga i usluga smještaja - 613995 u iznosu od 17.000,00 KM. Sredstva su realizovana u iznosu KM 39.931,64 odnosno 95,1%.

Ukupni troškovi predsjedavanja Bosne i Hercegovine Centralnoevropskom inicijativom u 2016. godini iznosili su KM 145.762.

6. Obrazloženje realizacije sudskih presuda i izvršenja institucija BiH u 2016. godini:

Ministarstvo inostranih poslova BiH je u februaru 2016. godine uplatilo KM 1.908,90 na ime odštete, a po presudi Opštinskog suda u Sarajevu br. 650 MAL 37527814 GŽ od 19.11.2015. godine, kojom je potvrđena prvostepena Presuda Opštinskog suda u Sarajevu br. 65 0 Mal 375278 10 Mal od 28.02.2014. godine, u pravnoj stvari tužioca Rade Kafedžić iz Sarajeva protiv tuženih Željeznica Federacije BiH i i Ministarstva inostranih poslova BiH.

7. Obrazloženje odstupanja ukupnog broja zaposlenih u odnosu na planirani broj:

Pravilnikom o unutrašnjoj organizaciji Ministarstva inostranih poslova Bosne i Hercegovine utvrđeno je 520 radnih mjesta dok je na dan 31.12.2016. godine popunjeno 487 radnih mjesta, od čega su:

- U Sjedištu MIP BiH popunjena 232 radna mjesta od čega je 200 na neodređeno vrijeme a 32 na određeno vrijeme (imenovana lica i zaposleni po ugovoru o djelu), a
- U diplomatsko-konzularnoj mreži Bosne i Hercegovine popunjena 255 mjesta od čega je 208 na neodređeno vrijeme a 47 na određeno vrijeme.

U ukupan broj zaposlenih Ministarstva inostranih poslova BiH nisu uračunati pripadnici Ministarstva bezbjednosti BiH i Obavještajno-sigurnosne agencije BiH (8 zaposlenika).

Zbog složene organizacione strukture MIP BiH (Sjedište MIP BiH u Sarajevu i 56 DKP BiH u svijetu) i neophodnog kretanja zaposlenih na relaciji Sjedište - DKP, MIP je prinuđen da angažuje lica po ugovoru o djelu i po ugovoru za obavljanje povremenih i privremenih poslova.

8. Obrazloženje stanja stalnih sredstava u obliku stvari i prava, sa posebnim osvrtom na donacije u naturalnom obliku:

Tokom 2016. godine Ministarstvo inostranih poslova BiH je evidentiralo stalna sredstva u iznosu od KM 4.499.662,30, kako slijedi:

- Nabavka stalnih sredstava iz sredstava za tekuća kapitalna ulaganja, sredstava višegodišnjih kapitalnih projekata i iz sredstava od primitaka od prodaje stalnih sredstava KM 4.215.669,64:

Konto	Opis	Iznos KM
821200	Kupovina objekata u Beogradu i Zagrebu	2.930.425,91
821300	Nabavka opreme	922.333,83
821600	Rekonstrukcija i investiciono održavanje	226.839,97
Ukupno		4.079.609,71

- Nabavke iz novčanih donacija u iznosu KM 136.059,93:

Konto	Opis	Iznos KM
821311	Namještaj u Abu Dabiju	429,07
821321	Vozilo u Ankari	135.343,44
821361	Oprema u Abu Dabiju	287,42
Ukupno		136.059,93

- Donacije stalnih sredstava u iznosu KM 85.056,34:

Konto	Opis	Iznos KM
821311	Donacija namještaja u Kanberi	51.831,06
821312	Donacija namještaja u Kanberi	2.612,07
821319	Donacija kopir aparata u Kanberi	576,19
821334	Donacija slika u Kanberi	16.645,36
821341	Donacija TV i DVD u Kanberi	1.472,47
821342	Donacija kamere u Kanberi	458,54
821361	Donacija uređaja u Vašingtonu, Knaberi i Abu Dabiju	9.283,96
821372	Donacija tepiha u Kanberi	2.176,69
Ukupno		85.056,34

- Sredstva dobivena sukcesijom imovine bivše SFRJ u iznosu KM 198.936,32:

Konto	Opis	Iznos KM
011311	Uknjižba namještaja u objektu u Madridu, Budimpešti i Beču	86.890,85
011313	Uknjižba opreme u objektu u Madridu	1.682,02
011361	Uknjižba uređaja u objektu u Madridu	234,70
011372	Uknjižba sitnog inventara u objektima Madrid, Budimpešta, Beč	110.128,75
Ukupno		198.936,32

Isknjižena su otpisana i rashodovana stalna sredstva na osnovu odluka Centralne popisne komisije za 2015. godinu.

9. Obrazloženje izvršenje kapitalnih izdataka u skladu sa namjenskom strukturom:

U periodu januar - decembar 2016. godine iz tekućih kapitalnih ulaganja, gdje su rezervisna sredstva u iznosu KM 1.429.000 realizovan je iznos KM 1.022.364 ili 71,5% od ukupno raspoloživih sredstava:

Nabavka opreme - Od ukupno raspoloživih sredstava za ovu namjenu u iznosu od KM 1.023.000 realizovan je iznos od KM 922.334 ili 90,2%, kako slijedi:

- Nabavka namještaja u ukupnom iznosu od KM 149.895,27, i to za potrebe Sjedišta MIP u iznosu od KM 60.000,88 i DKP u iznosu od KM 89.894,39.
- Nabavljena je kompjuterska oprema u ukupnom iznosu od KM 99.032,77, i to za potrebe Sjedišta MIP u iznosu od KM 58.947,93 i DKP u iznosu od KM 40.084,84.

- Nabavljena je oprema za prenos podataka i glasa, u ukupnom iznosu od KM 15.762,24 za potrebe Sjedišta MIP.
- Kupljeno je 13 motornih vozila u ukupnom iznosu od KM 522.000,93, i to za potrebe sjedišta 4 motorna vozila u iznosu od KM 189.963,00 i 8 vozila za potrebe DKP BiH u: Amanu, Beču, Kuala Lumpuru, Kanberi, Kairu, Skoplju, Teheranu i Ženevi u iznosu od KM 332.037,93.
- Nabavljena je elektronska oprema u ukupnom iznosu od KM 35.101,12, i to za potrebe Sjedišta MIP u iznosu od KM 31.958,87 i za potrebe DKP u iznosu od KM 3.142,25.
- Na ekonomskoj poziciji mašine i uređaji realizovana su sredstva u ukupnom iznosu od KM 1.027,98 za potrebe DKP BiH.
- Na ekonomskoj poziciji sitnog inventara utrošeno je od KM 100.230,01 i to za potrebe Sjedišta MIP (staze, zavjese, itisoni) u iznosu od KM 97.609,80 i za potrebe DKP u iznosu od KM 2.620,21.

Rekonstrukcija i investiciono održavanje - Za ovu namjenu u Budžetu za 2016. godinu su bila raspoloživa sredstva u ukupnom iznosu od KM 406.000, a realizovan je iznos od KM 100.030,59 ili 24,6% od ukupno raspoloživih sredstava i to za:

- Ostalo investiciono održavanje - krećenje zgrade Sjedišta MIP BiH, dok
- Druga faza klimatizacije nije realizovana. MIP BiH je tokom 2016. godine dva puta objavljivao tender za izvođenje radova, ali nije uspio do 31.12.2016. godine da dodjeli ugovor nijednom ponuđaču.

10. Obrazloženje realizacije putnih troškova i angažovanje spoljnih saradnika putem ugovora o djelu i ugovora o privremenim i povremenim poslovima:

Imajući u vidu osnovnu djelatnost MIP BiH, čije su aktivnosti usmjerene i obavljaju se u inostranstvu, kao i složenu organizacionu strukturu MIP BiH, Sjedište MIP BiH u Sarajevu i 56 DKP BiH u svijetu, za očekivati je da u budžetu MIP BiH sredstva za ovu namjenu budu realizovana u većem iznosu nego u bilo kojoj drugoj instituciji Savjeta ministara BiH. Što se tiče putnih troškova, 2016. godinu je obilježio proaktivan pristup svih institucija BiH u dobijanju podrške članica EU za bržu integraciju BiH u EU tokove. U skladu sa tim, troškovi MIP BiH za ovu namjenu su ipak ostali u okviru budžetskih granica.

Samim Pravilnikom o unutrašnjoj organizaciji Ministarstva inostranih poslova BiH definisano je da radna mjesta u DKP BiH mogu biti popunjena angažovanjem lokalnog osoblja na privremene i povremene poslove, jer se na taj način i ostvaruju uštede. Plata zaposlenih po ugovoru o djelu u DKP BiH iznosi do 90% od plate predviđene za to radno mjesto, bez naknade plate po osnovu minulog staža, kao i bez prava na ostale naknade.

Kada je u pitanju Sjedište MIP BiH, zbog stalne fluktuacije zaposlenih iz sjedišta MIP u DKP mrežu i obrnuto Ministarstvo je primorano koristiti angažman ugovora o djelu kako bi obezbijedilo redovno i nesmetano vršenje poslova, a što ne zahtjeva odmah raspisivanje konkursa i zapošljavanje novih službenika.

11. Obrazloženje primjene Pravilnika:

Pravilnik o korištenju telefona - Ministarstvo inostranih poslova BiH je na osnovu predhodne saglasnosti Savjeta ministara BiH donijelo Odluku o korištenju telefona, kojom su definisani korisnici i dozvoljeni mjesečni limiti. U Odsjeku za finansije BiH se vodi ažurna evidencija utroška sredstava za ovu namjenu po korisnicima. U skladu sa instrukcijom Ministarstva finansija i trezora BiH svi korisnici prava za refundaciju troškova mobilnih telefona u MIP BiH su potpisali izjavu, da su saglasni da im se izvrši obustava od plate u slučaju prekoračenja i nedozvoljenih troškova.

Pravilnik o korištenju sredstava za reprezentaciju - U skladu sa Pravilnikom Savjeta ministara BiH kojim je definisan godišnji limit reprezentacije MIP BiH u iznosu od KM 500.000, MIP BiH je donio Odluku o korištenju reprezentacije na bazi koga je tokom 2016. godine vodio računa o racionalizaciji i transparentnosti korištenja usluga interne i eksterne reprezentacije. U Odsjeku za finansije BiH se vodi ažurna evidencija utroška sredstava za internu reprezentaciju po korisnicima, te se u slučaju prekoračenja troškova vrši obustava od plate, uz prethodnu izjavu korisnika da je saglasan sa tim.

Pravilnik o uslovima nabavke i načina korištenja službenih vozila u institucijama BiH - Ministarstvo je donijelo Odluku o načinu korištenja službenih vozila MIP BiH, disciplinskoj odgovornosti i odgovornosti za nastalu štetu na službenim vozilima kojom je dodatno definisana upotreba vozila u MIP BiH. Trenutno, MIP raspolaže sa 109 vozila i vodi evidenciju starosne dobi i pređene kilometraže službenih vozila, te u skladu sa tim predlaže zamjenu službenih vozila. Tokom izvršena je nabavka 13 vozila (12 kupljeno i 1 donirano) a prodato je 7 vozila od čega je ostvaren prihod u Budžetu u iznosu od KM 48.057,49.

Pravilnik o uslovima nabavke i načina korištenja specijalizovanih vozila u institucijama BiH - Ministarstvo je pripremili nacrt Pravilnika i uputilo u proceduru u avgustu 2016. godine. Ministarstvo je aktom, br. 09/1-22-34-815-2/16 od 17.01.2017. godine, ponovo zatražilo informaciju od Generalnog sekretarijata Savjeta ministara BiH o statusu ovog predmeta.

U prilogu dostavljamo informacije o korektivnim radnjama koje su poduzete s ciljem realizacije preporuka revizije iz predhodne godine, o realizaciji preporuka interne revizije i postojećem sistemu internih kontrola u instituciji i o internim aktima kojima se iste regulišu, kao i izjavu o odgovornosti za ostvarivanje ciljeva institucije.

MINISTAR

Igor Crnadak

Prilozi:

- CD
- tabele godišnjeg izvještaja
- tabela o službenim vozilima